

NARODNI HEROJI I PALI BORCI GEOMETRI IZ BOSNE I HERCEGOVINE

Geometri su između dva rata svoje školovanje završavali u Geometarskom odsjeku srednje tehničke škole u Beogradu - jedine takve škole u staroj Jugoslaviji. S obzirom da se namještenje dobijalo tako- reći odmah po završetku školovanja, u ovu školu dolazili su uglavnom djaci iz siromašnijih slojeva. Većina je bila iz Bosne i Hercegovine, Crne Gore i Makedonije, ali ih je bilo iz svih krajeva Jugoslavije. So- cijalno porijeklo i mnogonacionalni sastav bio je veoma plodno tlo za djelovanje Partije u smislu kovanja bratstva i jedinstva i odgajanja hrabrih boraca za slobodu naših naroda. U to vrijeme smo Makedonce zva- li Makedoncima, Crnogorce - Crnogorcima, Hrvate - Hrvatima itd., a kad je trebalo svi zajedno smo se sa ostalim slobodoljubivim snagama, pod ru- kovodstvom Partije i SKOJ-a dizali protiv fašiziranih režima, nenarodne spoljne politike, pa i protiv konkordata sa Vatikanom.

Zbog toga nije čudo što su skoro svi geometri, sa veoma malo- brojnim izuzetcima, stali u redove NOB-a, što su se u njoj borili požr- tvovano i hrabro i što su mnogi i živote dali za oslobodjenje od fašis- tičkih zavojevača i istinsku slobodu naroda. Šest narodnih heroja i mno- go poginulih dovoljno govore o njihovoj beskompromisnoj opredijeljenosti.

Neka ovaj prilog o geometrима - herojima i poginulim borcima sa teritorije SR Bosne i Hercegovine bude skroman spomen na njih povo- dom Četrdesetogodišnjice ustanka i svijetao primjer svim budućim genera- cijama geometara kako se služi svom narodu.



Radoslav - Slavko Rodić, rođen je 11.05. 1916.godine u Gornjem Ribniku, Prijedor, BiH, geometar. Član KPJ od 1941.godine. U NOB stupio 1941.godine. Umro 29.04.1949. godine. Za narodnog heroja proglašen 14. 12.1949.godine.

Poslije gradjanske škole završio je u Beogradu 1939.godine Geometarski odsek Srednje tehničke škole, a zatim je radio kao geometar u Vršcu.

Kada je Partija 1941.godine pozvala narod u borbu protiv okupatora Rodić se nalazio u centru krajiškog ustanka u Drvaru i aktivno učestvovao u pripremanju oružane borbe. Dvadesetsedmog jula bio je među us-

tanicima koji su oslobodili Drvar. Od toga dana pa sve do konačnog oslobodjenja zemlje Rodić je prošao slavni put borbe za slobodu. Od borca, desetara i komandanta partizanskog odreda izrastao je u iskusnog i sposobnog komandanta armije.

Kada su četnici, poslije upada Italijana u Drvar, otvoreno prešli na stranu okupatora, Rodić je raskrinkavao izdajničku četničku politiku i istovremeno uticao na narod Drvara da se uključi u oružanu borbu protiv okupatora i učestvovao kao komandant odreda u oslobodjenju Drvara. Rodić je bio komandant V-og krajiškog partizanskog odreda 1941 - 1943 godine, zamjenik komandanta operativnog štaba za Bosansku Krajinu i komandant V krajiške divizije Narodno-oslobodilačke vojske Jugoslavije. Pod njegovom komandom Peta divizija je odnijela velike pobjede u četvrtoj ofanzivi. Ona je zaustavila napredovanje neprijatelja ka oslobodjenoj teritoriji kod Sanskog Mosta. Time je divizija doprinijela razbijanju neprijateljskih planova. U maju 1943.godine Rodić je naimenovan za komandanta Drugog, kasnije Petog bosanskog udarnog korpusa čije su jedinice ispisale svojom borbom veoma značajne stranice NO rata. Korpus je vodio operacije velikih razmjera kod: Sanskog Mosta, Banja Luke i Travnika i učestvovao u konačnim borbama za oslobodjenje zemlje. Rodić je bio neumoran u izvršavanju vojničkih zadataka. Svojim junaštvom, samopožrtvovanjem i zalaganjem davao je primjer ostalima. U toku rata Rodić je dva puta ranjavan. Poslije oslobodjenja zemlje vršio je odgovorne dužnosti u JNA. Završio je Višu vojnu akademiju "Vorošilov" u SSSR-u. Na osnivačkom kongresu KP BiH izabran je za člana Centralnog komiteta. Bio je i narodni poslanik Narodne skupštine BiH i član Saveznog odbora Narodnog fronta Jugoslavije. Imao je čin general lajtnanta JNA.

ADEM BUĆ



Adem Buć rođen je u siromašnoj porodici u Mostaru 1914.godine. Tu završava četiri razreda gimnazije, a potom se upisuje na Geometarski odsjek Srednje tehničke škole u Beogradu, koji završava 1935.godine. Po dolasku u Beograd počeo se družiti sa naprednim omladincima. Uskoro prilazi radničkom pokretu gdje aktivno saradjuje, ističući se u mnogobrojnim akcijama koje je organizovala KP. Zbog ove svoje aktivnosti bio je primljen u članstvo Partije 1940.godine.

Kao član Partije Adem Buć se pridružio prvim borcima Narodno oslobodilačke vojske i istakao vanrednom ličnom hrabrošću u svim borbama, koje je vodila njegova

jedinica. Polovinom 1942.godine po nalogu Partije odlazi u Sarajevo na ilegalan rad gdje bude izabran za člana mjesnog komiteta Partije, a od 1943.godine i rukovodi partijskom organizacijom i NOP-om u gradu.

U ilegalnom partijskom radu isticao se hrabrošću i organizatorskim sposobnostima. Adem Buć imao je veoma krupne zasluge za širenje NOP-a u glavnom gradu Bosne i Hercegovine.

Poslije jedne provale u proljeće 1943.godine policija je uhapsila Adema. On se u istrazi herojski držao. Uzaludna su ostala sva mučenja, Adem nije ni riječi rekao neprijatelju, čak ni svoje pravo ime. Ustaše su ga na zvjerski način ubile, a zatim bacile kroz prozor zatvora. Kasnije je lažno saopšteno da je izvršio samoubistvo.

MIDHAT HAĆAM



Midhat Haćam rođen je 1917.godine u Bratuncu kod Zvornika.

Geometarski odsjek Srednje tehničke škole u Beogradu završio je 1938.godine. Član je KPJ od 1940.godine. U NOB stupio je 1941.godine. Poginuo 15.avgusta 1942.godine na Konjuh planini. Za narodnog heroja proglašen je 20.decembra 1951.godine.

Školu je učio u raznim mjestima Bosne i Srbije, jer mu je otac, kao učitelj, bio često premještan. Po završetku školovanja radio je kao geometar u Prištini. Učestvovao je u nekim akcijama koje je organizovala KP. Godine 1940. postao je i sam član KPJ. Kapitulacija ga zatekla u vojsci u Boki

Kotorskoj. Vraća se kući svojim roditeljima u Mostar donoseći 5 pištolja i ne-

koliko bombi, spreman da se bori protiv fašističkog okupatora.

Midhat je jedan od prvih partizana u svom kraju. Već u ljeto 1941.godine postao je komandant bataljona u Romanijskom odredu.

Početkom decembra 1941.godine poslat je sa grupom boraca na teren Foča - Miljevina radi uključivanja muslimana u partizane. Na putu kroz Jahorinu opkolilo ih je 30 četnika i pozvalo na predaju. Sa svojih pet drugova Midhat je bez kolebanja, sa bombama u rukama izvršio juriš, razbio četnike od kojih je polovinu i zarobio. Slično junaštvo pokazao je i u drugim borbama u kojima je učestvovao krajem 1941.godine i početkom 1942.godine.

Poginuo je 1942.godine na dužnosti komandira Prvog bosanskog udarnog bataljona prilikom iznenadnog napada ustaša iz Kladnja na Šestu istočno-bosansku brigadu, koja se poslje teškog marša odmarala u Milkovcu na Konjuh planini. Borci su bili umorni, spavali su. Ustaše su se neprimjetno privukle i pomješali sa partizanima. Nastala je pometnja kada su se umorni partizani počeli buditi. Midhat je među prvima otvorio vatru i uporno branio kotu na kojoj se nalazio. Zahvaljujući njemu i još nekolicini boraca izmakli su velikoj opasnosti članovi Pokrajinskog komiteta Partije BiH do kojih su ustaše već bile skoro došle. Štitio je povlačenje ostalih boraca, sve dok nije pao, pogodjen u čelo.

MARJANAC RADE



Rade Marjanac rodом je iz poznatог usta- ničkog kraja u Janju - Jajce. Rodjen je 1916.godine. Geometarski odsjek Srednje tehničke škole u Beogradu završio je 1939.godine. U NOB-u stupio je 1941. godine. Poginuo je jula mjeseca 1943. godine kod Tuzle, a za narodnog heroja proglašen je 20.decembra 1951.godine.

Potiče iz imućne seljačke porodice.Otac mu je bio narodni poslanik. 1941.godine ustaše mu odvođe oca kao taoca gdje kasnije bude i ubijen. Do početka rata Rade Marjanac nije se bavio politikom.

Za vrijeme priprema ustanka prišao je NOP-u. Kao rezervni oficir bivše jugoslovenske vojske učestvovao je u rukovodjenju prvim partizanskim jedinicama u svom kraju u Janju. Bio je tvorac plana za napad na Šipovo 27.avgusta 1941.godine. Prilikom oslobodjenja Šipova zarobljeno je 170 domobrana i ustaša i zaplijenjeno mnogo oružja. U borbi kod Donjeg Vakufa 22.novembra 1941.godine istakao se velikom hrabrošću. Tada je i teže ranjen. Prilikom formiranja udarnog bataljona u selu Baraćima kod Mrkonjić Grada, Rade je postavljen za njegovog prvog komandanta. Mjesec dana je učestvovao u čišćenju okoline Mrkonjić Grada od četnika. Postaje zamjenik komandanta, a februara 1942.godine i komandant odreda.

U septembru i decembru iste godine učestvuje u borbama za oslobodjenje Jajca.

Formiranjem Sedme Krajiške brigade, mjeseca decembra 1942.godine, Rade postaje njen prvi komandant. Pod njegovom komandom brigada učestvuje u borbama u Četvrtoj i Petoj neprijateljskoj ofanzivi. Junački je poginuo jula 1943.godine - krajem Pete neprijateljske ofanzive, u borbi sa Nijemcima i ustašama, koji su kod Tuzle iznenada napali štab brigade. Videći neprijatelja Rade je dograbio mašinku, uzeo zaklon iza jednog drveta i time obezbijedio odstupnicu. Tako je i poginuo.

RADIOVOJE RODIĆ



Radivoje Rodić rođen je 14.oktobra 1920.godine u selu Krnjeušu kod Bosanskog Petrovca.

Član KPJ od 1940.godine. U NOP stupio jula 1941.godine.

Poginuo je januara 1942.godine kod Bosanskog Novog. Porjeklom je iz činovničke porodice. Geodetsku školu je završio u Beogradu. Još kao srednjoškolac počeo je da se aktivno bavi politikom. U svojoj dvadesetoj godini postaje član KPJ. Poslije okupacije zemlje dolazi u rodno selo gdje formira partijsku organizaciju i postaje njen sekretar.

Kada su počele pripreme za oružani narodni ustanak odredjen je za vojnog povjerenika u Krnjeuši. Tih dana obrazovan je Sreski komitet KP u Krnjeuši u koji je i Radivoje izabran. Prvih dana ustanka Radivoje je sa grupom boraca napao ustašku posadu u selu i likvidirao je. Ubrzo je njegova grupa narasla na loo ljudi i prerasla u četu.

Radivoje je istovremeno bio i politički komesar Krnjeuške čete i pozadinski politički radnik. On je stvorio skojevske organizacije u zapadnom dijelu Bosansko-Petrovačkog sreza i pomagao mnoge njihove akcije. Poginuo je u selu Agići kod Bosanskog Novog u jednoj borbi sa ustašama početkom 1942.godine. Kao skroman, uporan i neustrašiv borac Radivoje je stekao veliki ugled u ovom kraju.

O njemu su pjesme pjevane. Seljaci su mu još i prije no što je proglašen za narodnog heroja podignuli spomen sa natpisom:

"Narodnom heroju Rodić Radivoju"



Ajanović Ragib

Ajanović Ragib rođen je u Rogatici. Diplomirao je geometarski odsjek STŠ u Beogradu 1930.godine. Službovao je u Banjoj Luci, odakle su ga 1944.godine odveli ustaše i više se nije vratio.




Altarac Šalon

Altarac Šalon rođen je u Sarajevu. Diplomirao je geometarski odsjek STŠ 1932.godine u Beogradu. Streljan 1941.godine od Nijemaca na Bubnju kod Niša.



Atijas Šimon

Atijas Šimon rođen je u Sarajevu. Diplomirao na Geodetskom odsjeku STŠ 1933.godine u Beogradu. Nastradao 1941.godine u Nišu.



Babić Ahmet - Aber

Babić Ahmet - Aber rođen je 1915.godine u Prijedoru. Diplomirao je geodetski odsjek STŠ 1940/41 godine u Beogradu. Kao učenik zatvaran je pod sumnjom da pripada naprednoj školskoj omladini. Padom Beograda došao je u Prijedor i odmah se povezao sa mjesnom komunističkom partijskom organizacijom koja je djelovala na području neoslobodjenog Prijedora i okolice. Kao takav osumnjičen je i od strane Nijemaca i ustaša, proganjan je i zatvaran. Sudjelovao je bijegu Dr.Mladena Stojanovića na oslobodjenju teritoriju. Kada je Prijedor prvi puta oslobodjen 16.V 1942, postao je član prijedorskog suda NOP-a. Prilikom upada Nijemaca u oslobodjeni Prijedor uhaćen je, odveden u Banja Luku i 2.VII 1942. godine nakon mučenja i streljan u Banjoj Luci.



Babović Ibrahim

Babović Ibrahim rođen je u Lastvi kod Trebinja. Diplomirao je geometarski odsjek STŠ u Beogradu 1927.godine. Bio je član KPJ od 1927.godine. Bio je uhapšen i proganjan, a podlegao je mučenjima u Lepoglavi 1934.godine.



Bajagić Stevan

Bajagić Stevan rođen je 1912.godine u Vlasenici. Diplomirao je geometarski odsjek STŠ 1932.godine u Beogradu. Za vrijeme okupacije bio je zatvoren od strane specijalne policije na Banjici kod Beograda. Poginuo je 1945.godine na putu između Beograda i Kragujevca od četničke zaslje.



Baruh Leon

Baruh Leon rođen je 1910.godine u Bugojnu. Diplomirao je geometarski odsjek STŠ 1932.godine u Beogradu. Streljali su ga Nijemci 1941.godine na Bubnju kod Niša.



Begović Safet

Begović Safet rođen je u Tešnju. Diplomirao je geometarski odsjek STŠ 1932.godine u Beogradu. Poginuo je kod Tuzle u borbi sa Nijemcima 1943.godine.

Benderač Veljko

Benderač Veljko rodjen je 1921.godine u Trebinju.
Bio je djak III razreda geometarske škole u Beogradu.
Ubijen je 1942.godine u Hercegovini od četnika.

Bilić Petar

Bilić Petar rodjen je 1917.godine u Bugojnu.
Poginuo u Beogradu 1944.godine.

Bulajić Vladimir

Bulajić Vladimir rodjen 1920.godine.
Diplomirao 1939.godine.
Poginuo kod Bileće 1942.godine.

Dragnić Džemal

Dragnić Džemal rodjen 1920.godine u Mostaru.
Školu završio šk. 1938/39 godine.
Kao borac POJ-a, poginuo 1942.godine kod Mostara.



Buturović Behadžet

Vasiljević Radovan

Rodio se 1906.godine u Sarajevu. Diplomirao na STŠ - geometarski odsjek 1927.godine u Beogradu. Službovao je u odjeljenju katastra, gdje je bio inspekcioni organ. Poginuo je kao borac JNA 1945.godine na sremskom frontu.

Višekruna Branko

Rodio se u Vlasenici 1913.godine. Diplomirao je na STŠ 1932.godine. Zaklali su ga četnici 1943.godine kod Zaječara.

Višnjevac Zdravko

Rodjen 1921.godine u Gacku , poginuo kod Gacka 1943.godine.



Glazberg Konrad

Buturović Behadžet rodio se je u Ljubuškom 1925.godine. Diplomirao je geometarski odsjek STŠ 1943.godine u Zagrebu. Poginuo je 1943.godine kao komesar čete u Brodskoj brigadi kod Našica.

Glazberg Konrad rodio se u Bosanskoj Dubici. Diplomirao je na geometarskom odsjeku STŠ 1933.godine u Beogradu. Streljali su ga Nijemci 1942.godine u Nišu.



Glogovac Žarko rođen je 1913.godine u Bi-leći. Geometarski odsjek STŠ završio je 1933.godine u Beogradu. Streljali su ga Ta-lijani kod Trebinja 1941.

Glogovac Žarko

Danić Marko

Rodjen 1920.godine u Bosanskoj Krajini. Diplomirao 1940.godine. Poginuo je 1941.godine pod Grmečom.

Danon Isak


Rodio se 1908.godine u Travniku. Geometarski odsjek STŠ završio je 1928.godine u Beogradu. Odveden je 1941.godine u Jasenovački logor, odakle se nije vratio.

Danon Heskija

• Rodjen 1919. godine u Sarajevu. Diplomirao 1938.godine. Poginuo 1942.

Dmitrović Milenko

Rodjen je u Prijedoru. Geometarski odsjek STŠ završio je 1940.godine u Beogradu. Umro je 1947.godine u Sarajevu od zadobijenih rana u Narodno-oslobodilačkom ratu.



Djordjević Krsto

Djordjević Krsto rodio se 1914.godine u Sarajevu. Diplomirao na geometarskom odsjeku STŠ 1933.godine u Beogradu. Službovao je u odjeljenju katastra u Beogradu. Još prije rata bio je član KPJ, a poginuo je kod Paraćina u Srbiji, kao prvoborac 1942.godine.



Eškenazi Jakov

Eškenazi Jakov rođen je 1908.godine u Bosanskom Brodu. Diplomirao je na geodetskom odsjeku STŠ 1929.godine u Beogradu. Službovao je u odjeljenju katastra. Ubili su ga Nijemci 1942.godine u Zaječaru.

Žderić Branko

Rodjen je u Prijedoru. Diplomirao je na STŠ u Beogradu 1928.godine. Ubi-
li su ga ustaše 1941.godine u Vlasenici.

Jakšić Miroslav

Rodio se 1918.godine u Sasima kod Srebrenice. Geometarski odsjek STŠ za-
vršio je 1939.godine u Beogradu. Poginuo je kao operativni oficir bata-
ljona 1944.godine kod sela Žeistovca /Križevci/.

Janković Tripko

Školu završio šk. 1932/33 godine. Kao borac POJ poginuo u Bosni.

Jahić Alija

Rodjen u Ljubuškom 1921.godine. Bio je djek IV razreda Geodetske škole
u Beogradu 1941.godine i tada već član SKOJ-a . Ustaše su ga streljali
u Jasenovcu 1942.godine.



Kabiljo Avram rodjen je u Žepču. Geometar-
ski odsjek STŠ završio je u Beogradu 1928.
godine. Odveden je od strane ustaša 1941.
godine u logor, odakle se nije vratio.

Kabiljo Avram

Kabiljo Leon

Rodjen 1919.godine u Goraždu. Diplomirao 1939.godine. Streljan 1941.
godine.



Kajon Josif rodio se u Sarajevu. Diplomirao je na geometarskom odsjeku STŠ 1930. godine u Beogradu. Službovao je u Nišu gdje su ga Njemci streljali 1941. godine na Bubnju.

Kajon Josif

Kovačević Miloš

Rodjen 1922. godine u Srdjevićima - Gatački, poginuo u Hercegovini 1941. godine.

Koen Juda

Rodjen u Sarajevu. Diplomirao je geometarsku školu 1938. godine u Beogradu. Ustaše su ga odveli 1941. godine u logor, gdje je i ubijen.



Komadanović Aleksandar - Aco rodjen u Čajniču 1913. godine. Završio je geometarski odsjek STŠ 1933. godine u Beogradu. Službovao je u sekciji Niš. Streljan je 1942. godine od Njemaca na Bubnju - Niš.

Komadanović Aleksandar -
Aco



Konforti Jeroham -
Jerko

Konforti Jeroham - Jerko rođen je u Travniku 26.VII 1909.godine. Diplomirao je na geodetskom odsjeku STŠ u Beogradu 1929.godine. Službovao je u Odjeljenju za katastar. Za vrijeme okupacije radio je kao ilegalni radnik u Srbiji, gdje se sakrivao u selu Bučje kod Knjaževca kod Riste Stamenkovića. Nedićevi četnici su ga uhapsili na prevaru i javno objesili u Knjaževcu 1942.godine. Danas se u kući Riste Stamenkovića nalazi mali muzej, kao uspomena na njega. Roditelji Jerkovi ubijeni su u Jasenovcu 1942.godine.

Kukavica Šukrija

Rodjen 1912. godine u Foči.
Poginuo 1943.godine.



Latifić Ismet

Rodio se 1912.godine u Livnu. Na geometarskom odsjeku STŠ diplomirao 1931.godine u Beogradu. Do 1939.godine službovao je na novom premjeru u Srbiji, a do 1942.godine u katastarskom uredu u Livnu. Kroz to vrijeme u Livnu djelovao je ilegalno kao član KPJ. Kapitulacijom stare Jugoslavije, a po direktivni partije, primio je dužnost komandanta domobranske vojske u Livnu na kojem je položaj u potpunosti saradjivao sa livanjskim partizanskim odredom do 1942.godine. Tada sa grupom domobrana prilazi partizanima. U oslobođenom Livnu 1942.godine bio je komandant mjesta. Na povratku iz Crne Gore uhvatile su ga ustaše i znajući da je komunist na zvjerski način su ga ubili u Glavatičevu kod Konjica 1943.godine.



Mazić Živojin rodio se u Foči 1912.godine. Geometarski odsjek STŠ završio je u Beogradu 1932.godine. Streljan je u Jajincima 1942.godine.

Mazić Živojin

Marić Mihailo

Školu je završio šk. 1930/31 godine. Kao borac POJ poginuo u Bosni.

Mićić Živojin

Rodjen 1919.godine u Loznici. Diplomirao 1933.godine. Streljan u Šapcu 1943.godine.



Mićić Milenko

Mićić Milenko rodio se 1908.godine u Ljubinju - Hercegovina. Na geometarskom odsjeku STŠ diplomirao je 1931.godine u Beogradu. Stuzbovao je na novom premjeru u Srbiji, zatim u katastarskom uredu u Zvorniku, te 1940.godine u njegovom rodnom mjestu u Ljubinju. Pripadao je naprednoj grupi geometara na novom premjeru i učestvovao aktivno u radu stručnog udruženja. Nakon bolesti i ozdravljenja 1942.godine povezuje se sa NOP-om. 1942.godine februara mjeseca primljen je za člana KPJ. Uhapšen je u Stocu 1943.godine i odveden u Duži kod Trebinja, a zatim u Bileću, gdje je streljan aprila 1943.godine.

Mravinac Ivan

Rodjen 1908.godine u Sarajevu. Školu je završio šk. 1929/30 godine. Poginuo 1943.godine u Šestoj ofanzivi kod Vozuće.

Mrdža Zdravko

Rodjen 1918.godine u Sanskom Mostu. Diplomirao 1938.godine. Streljan od ustaša 3.VIII 1941.godine.



Papo Abraham rodio se u Sarajevu. Diplomirao je 1928.godine na geometarskom odsjeku STŠ u Beogradu. Ustaše su ga ubili u Višegradu.

Papo Abraham

Petković Obrad

Rodjen je 1921.godine u Gacku . Diplomirao je na geometarskom odsjeku STŠ 1941.godine u Beogradu. Poginuo je 1943.godine u borbi kao komesar čete kod Kalinovika.

Pinto Abraham

Rodjen je u Travniku. Diplomirao je na Geometarskom odsjeku STŠ u Beogradu 1933.godine. Ubijen je u logoru Jasenovac 1942.godine.

Polovina Branko

Rodjen je 1923.godine u Krnjeuši /Bosanski Petrovac/. Ubijen od ustaša 1941.godine u Krnjeuši.



Pušibrk Uroš rodio se 1913.godine u Bosanskoj Dubici. Diplomirao je na STŠ 1934.godine u Beogradu. Nastradao je u logoru na Banjici 1943.godine.

Pušibrk Uroš

Radan Rade

Rodjen je u Mekoj Grudi 1925.godine. Diplomirao je na Geodetskoj školi 1941.godine u Beogradu. Umro je 1942.godine u partizanima u Bosanskoj Krajini.

Radojčić Borislav

Rodjen 1924.godine u selu Lipac - Doboj. Poginuo na Ozrenu 1941.godine.

Ratković Aleksandar

Geometar. Školu završio 1936.godine. Streljan je na Banjici 1943.godine.

Rebac Husnija

Rodjen je 1918.godine u Mostaru. Geometarski odsjek STŠ završio je 1938.godine u Beogradu. Streljan je 1942.godine u Mostaru od strane Italijana kao član mjesnog komiteta KPJ.

Salatić Jovo

Rodio se u Bileći. Geometarsku školu završio je u Beogradu. Četnici su ga ubili 1943.godine.

Simić Simo

Rodio se u Zvorniku 1912.godine, a diplomirao je na STŠ 1933.godine u Beogradu. Odmah 1941.godine stupa u partizanske odrede, a poginuo je u borbama na Borču /Hercegovina/ 1942.godine.



Tomljenović Slavko

Tomljenović Slavko rodio se 1912.godine u Tesliću. Diplomirao je 1931.godine u Beogradu. U borbi u selu Blace kod Prokuplja poginuo je 1942.godine.



Tošović Nedeljko

Tošović Nedeljko rodjen je 1912.godine u Foči. Kao geometar službovao je na novom premjeru u Sekciji Kragujevac. Tamo je bio 1942.godine uhapšen, odveden u koncentracioni logor u Mathausen, gdje je 1945.godine ubijen.

Trklja Čedomir

Rodjen 1915.godine u Trebinju, poginuo 1944.godine.

Čefo Arif

Rodjen je 1917.godine u Livnu. Diplomirao je na geometarskom odsjeku STŠ u Beogradu 1938.godine. Od prvog dana ustanka radio je na NOP. Radi toga je od Italijana bio zatvoren i interniran. 1942.godine poveden je kao taoc, a nakon toga je stupio u NOB. Četnici su ga ubili 1943.godine kod Glamoča.

Čišić Nazif

Rodio se u Mostaru 1921.godine. Bio je djak IV razreda Geodetske škole u Beogradu. Poginuo je u borbi u Glavatičevu /Hercegovina/ 1942.godine kao borac Mostarskog bataljona.

Čulibrk Uroš

Poginuo kao učesnik NOB-a u Bosni 1943.godine.



Finci Moric rodjen je 1905.godine u Sarajevu. Diplomirao je na geometarskom odsjeku STŠ 1928.godine u Beogradu. Streljan je u Beogradu 1941.godine od Njemaca na Sajmištu.

Finci Moric



Fogl Martin rodio se u Sarajevu 1908.godine. Geometarski odsjek STŠ završio je 1926.godine u Beogradu. Poginuo je 1941.godine kao oficir na bugarskoj granici.

Fogl Martin

Hadžijusufović Jusuf

Rodjen 1912.godine u Zvorniku. Diplomirao 1932.godine. Poginuo 1942.godine u Vlasenici od četnika.

Hodžić Mahmud

Rodjen je u Bosanskom Petrovcu. Geometarski odsjek STŠ završio je 1941.godine u Beogradu. Poginuo je u borbama kao borac III krajiške brigade 1943.godine.



Cerić Esad rodio se 1913.godine u Prijedoru. Diplomirao je na geometarskom odsjeku STŠ 1933.godine u Beogradu. Odveden je 1941.godine od Nijemaca u logor u Novrešku, odakle se nije vratio.

Cerić Esad

Šahbegović Šerif

Rodjen 1919.godine u Vlasenici. Diplomirao 1939.godine. Poginuo 1941.godine kod Mrkonjić Grada u otporu koji je Njemcima pružio bataljon škole rezervnih pješadijskih oficira iz Maribora.



Šenigdžić - Kulenović Safet rodio se 1912.godine u Bosanskom Petrovcu. Diplomirao 1932.godine u Beogradu i kao geometar službovao u Odjeljenju katastra. Poginuo je u borbi 1942.godine u selu Blace kod Prokuplja.

Šenigdžić - Kulenović
Safet

Šeremet Salih

Rodio se 1920.godine u Livnu. Diplomirao na STŠ u Beogradu. Do 1942. godine pomagao je NOP, a nakon oslobođenja Livna 1942.godine stupio je u V crnogorsku brigadu. Bio je član KPJ. Poginuo je u borbama 1944. godine u okolini Beograda.



Šetka Arsen

Šetka Arsen rodio se 28.VI 1912.godine u Berkovićima-Stolac, u Hercegovini. Geometarsku školu polazio je u Sarajevu, a diplomirao je 1933.godine u Beogradu. Službovao je na novom premjeru u Srbiji, a po okupaciji Jugoslavije radio je u rudniku Kreka kao mjerač sve do oslobođenja Tuzle 1943.godine. Tada je stupio u NOB i poginuo 10.XI 1943.godine kao borac tuzlanskog odreda u selu Donje Vukovije kod Tuzle u borbi sa njemačkom legijom.



Šubić Aleksandar

Šubić Aleksandar rodio se u Bijeljini 1911.godine. Diplomirao je na geometarskom odsjeku STŠ u Beogradu 1931.godine. Nijemci su ga streljali na Banjici 25.V 1943.godine.

Šurbat Miladin

Šurbat Miladin rodio se 27.X 1910.godine u Sarajevu. Geometarsku školu završio je u Beogradu i službovao na novom premjeru u Srbiji, a kasnije u Uredu za katastar Karlovac, te od 1938.godine u Glini, gdje je bio šef Ureda za katastar. U Glini je postao sekretar kotarskog komiteta KPJ 1938.godine, gdje je razvio aktivnu partijsku djelatnost. Zapažen je od tadašnjih vlasti i zatvoren u dva navrata u Karlovcu i Zagrebu. Zaslužan je za uspjeh ustanka 1941.godine na teritoriji kotara Gline. Neposredno nakon uspostavljanja "NDH" Šurbat je uhapšen u logoru "Danica" kod Koprivnice. Navodno je transportovan odatle u Jadovno, gdje je ubijen.

Neka im je vječna slava i hvala!